



Broj, 01-07-10-51-251/2024
Sarajevo, 19.11.2024. godine

Na osnovu člana 25. stav (1) u vezi sa članom 26. stav (4), Zakona o slobodi pristupa informacijama na nivou institucija Bosne i Hercegovine ("Službeni glasnik BiH", br. 61/23) i člana 5. Pravilnika o postupanju po zahtjevu za pristup informacijama Visokog sudskog i tužilačkog vijeća Bosne i Hercegovine br. 08-02-3075/2010 od 2.9.2010. godine, 08-02-3645/2013 od 24.9.2013. godine, 08-02-388-1/2014 od 22.1.2014. godine i 08-07-2-3459/2021 od 29.9.2021. godine, rješavajući po zahtjevu za pristup informacijama Šapina Damira, [REDACTED], od 13.11.2024. godine, predsjednik Visokog sudskog i tužilačkog vijeća Bosne i Hercegovine donosi

RJEŠENJE

Odobrava se pristup informacijama o fazi konkursne procedure za izbor i imenovanje direktora Sekretarijata Visokog sudskog i tužilačkog vijeća Bosne i Hercegovine.

Obrazloženje

Visoko sudsko i tužilačko vijeće Bosne i Hercegovine (u daljem tekstu: VSTV BiH/Vijeće) je 13.11.2024. godine zaprimilo zahtjev Šapina Damira, [REDACTED] (u daljem tekstu: podnositelj zahtjeva) za pristup informacijama u vezi sa konkursnom procedurom za izbor i imenovanje direktora Sekretarijata VSTV-a BiH. Konkretno, tražena je informacija u kojoj fazi je navedena procedura.

Razmatrajući predmetni zahtjev, u skladu s nadležnostima VSTV-a BiH, utvrđeno je da VSTV BiH posjeduje podatke navedene u izreci ovog rješenja, te da omogućavanje pristupa istim nije protivno odredbama Zakona o slobodi pristupa informacijama na nivou institucija Bosne i Hercegovine ("Službeni glasnik BiH" 61/23; dalje u tekstu: Zakon).

Uvidom u službenu evidenciju, utvrđeno je da je konkursna procedura za izbor i imenovanje direktora Sekretarijata VSTV-a BiH u fazi pregleda prijava kandidata od strane Komisije za izbor. Komisija još nije donijela odluku o ispunjavanju uslova prijavljenih kandidata na konkurs, zbog rješavanja procesnih pitanja.

Postupajući po zahtjevu podnositelja, a u skladu sa svim gore navedenim, odlučeno je kao u dispozitivu ovog rješenja.

Pouka o pravnom lijeku:

Protiv ovog rješenja podnositelj zahtjeva ima pravo podnijeti žalbu Žalbenom vijeću pri Vijeću ministara Bosne i Hercegovine u roku od 15 dana od dana prijema istog. Ukoliko Žalbeno vijeće ne odluči po žalbi u roku od 30 dana od dana prijema žalbe, podnositelj žalbe ima pravo pokrenuti upravni spor pred Sudom Bosne i Hercegovine zbog šutnje administracije.



Dostavljeno:

1. Podnositelju zahtjeva
2. Odjelu za upravljanje ljudskim resursima i administraciju
3. U spis